



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.212/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Skender Çoçaj kryesues, Kymete Kicaj dhe Bujar Muzaqi anëtarë, duke vendosur përkitazi me ankesën e Subjektit Politik Partia Demokratike e Kosovës (PDK), paraqitur kundër Subjektit Politik Lëvizja Vetëvendosje (LVV), për shkak të pjesëmarrjes së fëmijëve në fushatë zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 24.01.2025, merr këtë:

V E N D I M

I. Pranohet e bazuar ankesa e subjektit politik Partia Demokratike e Kosovës (PDK), Anr.212/2025 e datës 27.01.2025,

II. Subjektit politik Lëvizja Vetëvendosje (LVV), për shkak të pjesëmarrjes së fëmijëve në fushatë zgjedhore, i shqiptohet dënimi më gjorbë në lartësi prej 3, 000.00 (tremijë) euro.

III. Detyrohet Subjekti politik Lëvizja Vetëvendosje (LVV), që gjorbën e shqiptuar si në pikën -I, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datën 23.01.2025 PZAP-i, ka pranuar një ankesë nga Subjekti Politik Partia Demokratike e Kosovës ku pretendohet se më datë 26 Janar 2025, në ora 21:20 kandidatja për deputete nga radhët e Lëvizjes Vetëvendosje znj .Mimoza Kusari Lila ka publikuar një fotografi në rrjetin social facebook të tubimit të mbajtur me datë 26 janar në ora 14:00 në Komunën Junik, në "Restorant Gjeravica", ku në njërin nga fotot e publikuara vërehet prania e një fëmije të mitur, nën moshën 15, pa prezencën dhe rrjedhimisht pa pëlqimin e prindit.Parashtruesi ankesës ka vlerësuar se në veprimet e znj Mimoza Kusari Lila janë konsumuar të gjitha elementet e veprimit të ndaluar të përcaktuara me nenin 5, paragrafi 3, të Rregullores Zgjedhore nr.07/2024.

Parashtruesi i ankesës si provë ka bashkangjitur Provë: Fotografia e publikuar në rrjetin social Facebook, nga kandidatja për deputete nga radhët e Lëvizjes Vetëvendosje, znj. Mimoza Kusari, ku vërehet një fëmijë i mitur, i pranishëm në këtë tubim <https://www.facebook.com/mimozakusari/posts/pfbid02rF8H3UggCehmrRANqyAeZv3edeXK>

TNorc3mz Aojrg6PRn49LNzEëkfPlvoVKEaLCl;, Provë: Screenshot i postimit të Postimi nga znj. Mimoza Kusari Lila, e Cila është publikuar më 26 janar 2025, në ora 2 1:20/11 Ftesa për tubimin e Lëvizjes Vetëvendosje në komunën Junik, në "Restaurant Gjeravica", për datën 26 janar, në ora 18:00, e publikuar në rrjetin social Facebook;

PZAP me datë 27.01.2024 iu drejtua për përgjigje në ankesë subjektit politik Lëvizja Vetëvendosje deri me datën 28.01.2025 në ora 15:00. Në përgjigjen në ankesë subjekti politik Lëvizja Vetëvendosje e kundërshton ankesën me arsyetimin se e njëjta siç vërehet në provat e bashkangjitura të pretenduesit, LVV nuk është e ndërlidhur me angazhimin e fëmijëve në fushatë rrjedhimisht nuk ka angazhuar fëmije në fushatë. Parashtruesi i përgjigjes në ankesë ka theksuar se parashtruesi i ankesës nuk e ka argumentuar në asnjë moment pretendimin se *"...vërehet prania e një fëmije të mitur, nën moshën pesëmbëdhjetë (15) vjeçar, pa prezencën dhe rrjedhimisht pa pëlqimin e prindërve"*, siç vërehet edhe nga fotot e ngjarjes fëmija është në prezencën e prindërve.

PZAP-i, pasi që shqyrtoj dhe vlerësoi pretendimet ankimore gjeti se:

Ankesa është e bazuar

Paneli ka gjetur se nga fotografitë e ofruara si provë nga parashtruesi i ankesës, të cilat gjenden në shkresat e lëndës, në mënyrë të padyshimtë ka konstatuar se subjekti politik LVV, përkatësisht kandidatja për deputete nga radhët e LVV znj. Mimoza Kusari Lila gjatë fushatës zgjedhore në tubimin e tyre kanë përfshirë edhe fëmijë, veprime këto në kundërshtim me dispozitat ligjore të nenin 5, par. 3 të Rregullores Zgjedhore nr. 07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar, me të cilën përcaktohet se *"Asnjë subjekt politik i certifikuar nuk mund të angazhojë persona nën moshën pesëmbëdhjetë (15) vjeç në fushatë zgjedhore"*.

Paneli, me rastin e vendosjes i shqyrtoi pretendimet e subjektit politik LVV, në kuadër të pretendimeve të theksuara në përgjigje në ankesë, por për Panelin këto pretendime ishin të pabazuara nga se nga fotot e ofruara si dëshmi nga subjekti politik PDK shihet se në postimin e kandidatës për deputete nga radhët e LVV znj. Mimoza Kusari Lila, në rrjetin social facebook shihet qartë pjesëmarrja e fëmijës nën moshën 15 vjeç, gjatë fushatës zgjedhore për përfitime të votave për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025.

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkëljes dhe ndikimit të mundshëm të saj në procesin zgjedhor në fjalë, shkallën dhe peshën e shkëljes, subjektit politik që ka bërë shkelje të legjislacionit zgjedhor, apo ka bërë shkelje të legjislacionit edhe në proceset e mëparshme zgjedhore, që konsiston në faktin se subjekti politik LVV, ka qenë i njoftuar me obligimet dhe përgjegjësit gjatë procesit të fushatës.

Kështu që duke u mbështetur në nenin 117.3 të LZP-së ku përcaktohet se *"vendosja për ankesat nga PZAP-ja mbështetet në dëshmi të qarta dhe bindëse"*, Paneli vlerësoj se pretendimet e tilla janë të bazuara, për faktin se nga veprimet e përshkruara në ankesë nga

parashtruesi i ankesës paraqesin shkelje të dispozitave të lartcekura, dhe të njëjtën e pranoi të bazuar.

Nga arsyet e theksuara me lart, e në kuptim nenit 118 paragrafi 1, dhe nenit 120 paragrafi 1 nën paragrafi 1.3, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr.212/2025 datë 29.01.2025

Kryesues i Panelit
Skender Cocali



Këshilla Juridike: Kundër këtij vendimi nuk lejohet ankesa konform nenit 118 par. 4 të LZP-së.